

愚

齋

存

稿

愚齋存彙卷第三十八目錄

電報十五

川督奎樂帥來電

寄張香帥

寄俄京楊星使

寄倫敦羅星使

寄北京剛中堂

寄西安陶子方督帥

張香帥來電

又

又

寄倫敦羅星使東京李星使

寄鄂督張香帥

又

安慶王灼帥來電

江督劉峴帥來電

又

又

張香帥來電

又

寄張香帥

又

張香帥來電

又

江督劉峴帥來電

寄太原李筱軒方伯馮申甫廉使

寄劉峴帥

寄劉峴帥張香帥袁慰帥

李傅相致江鄂東督撫帥電

張香帥來電

愚齋存彙

卷三十八目錄

二

思補樓藏版

劉峴帥來電

袁慰帥來電

劉峴帥來電

寄劉張兩帥

致滬李中堂甯劉帥鄂張帥粵德帥東袁帥

寄張香帥

寄劉峴帥張香帥袁慰帥

寄北京慶邸榮王中堂

寄蘇杭閩粵皖川各督撫將軍

張香帥來電

寄劉峴帥

浙藩惲恭耘方伯來電

寄劉峴帥張香帥袁慰帥

致滬李中堂寄江鄂濟南督撫帥

張香帥來電

又

袁慰帥來電

寄皖撫王中丞

劉峴帥來電

袁慰帥來電

愚齋存彙

卷三十八目錄

三

又

駐外各使寄山東撫帥電

袁慰帥來電

寄袁慰帥

劉峴帥來電

袁慰帥來電

寄俄京美京東京楊伍李三使

寄劉峴帥

張香帥來電

劉峴帥來電

寄俄京楊使東京李使

寄張香帥

寄江鄂督帥皖東撫帥

寄劉峴帥

寄張香帥

寄袁慰帥

寄甯蘇鄂皖閩粵浙贛濟南成都各將軍督撫帥

袁慰帥來電

總署致李中堂劉制軍電

寄陝撫端午帥

俄京楊星使來電

寄甯蘇皖鄂閩浙贛粵川陝東各將軍督撫帥

寄東京李星使

寄江督劉鄂督張東撫袁

福州善將軍來電

劉峴帥來電

張香帥來電

寄劉峴帥

劉峴帥來電

又

寄劉峴帥

劉峴帥來電

寄江督劉帥鄂督張帥

東京李使致總署電

袁慰帥來電

愚齋存藁卷第三十八

電報十五

川督奎樂帥來電

光緒二十六年七月初一日

承示勘電謀慮周詳情詞痛切欽佩之至若蒙
聖明鑒納或有轉機峴帥香帥如以爲然請將綽
將軍及弟名附列爲禱

寄張香帥

七月初一日

英提督西摩到淞傳說將赴長江巡閱頃詢英領事則
云津沽海軍無事故來東南調度各艦暫不入江又聞
印度兵留港四千此皆俄與黑龍江開衅後英乃有此

舉動如能熬住三箇月內匪不動聽他預備亦不礙事
今日西人紛紛來滬多言湘豫鄂三撫不認保護長江
上游恐將有事眾口一詞亟盼鄂復豔電以示各國並
請飭漢關道寬慰漢領事卽如路員停退皆領事恫喝
也

寄俄京楊星使

七月初一日

豔電分轉樞廷三督亂匪不難平惟董踞肘腋勦則劫
兩宮傷各使洋兵進時恐遭毒手乞轉呂裕羅伍
速籌良法

寄倫敦羅星使

七月初一日

兩勘已轉慰電館尙圍非請 旨不敢送信須由各使
催署索復

寄北京剛中堂 七月初一日由東撫轉遞

傅相到滬腹瀉未愈酷暑難陸行且恐到在洋兵入京
之後城下不堪設想若由津門而入非與各國提督說
明奉 旨辦何事件方能赴津鈞電欲其早到以挽大
局似應將此意請 旨保使乃緩兵第一策美國得康
格一電喜甚始首倡保全中國疆土照會各國英復電
仍允保我自主之權近日各駐使轉寄總署各公使及
赫德電問其是否無恙如能皆有復電以明 聖朝如

天之仁 諭旨國書保護各使並非虛言是謂攻心之
法乞鈞裁

寄西安陶子方督帥

七月初一日

奉效電步履尙艱極念宣舊亦患喘回南全愈公若移
督南方救國養身兩宜勘電所擬會奏近事頗詳請向
局鈔閱

張香帥來電

七月初一日

洋報播弄是非可恨之至鄂境一律安靜所有勇
營無不聽約束武漢並無猜忌洋人之事前月漢
口洋人曾有礮對漢口之謠妄誕可笑旋邀英領

事過江閱看各營壘現洋人均已釋然祈告各領
事屬該報更正以後切勿刊刻無稽謠傳爲禱祈
卽電復

又七月初一日

勘電擬請派全權事詞意極警切惟此事甚難著
筆弟於前兩日已會同峴帥擬稿與慰帥商酌經
慰帥將稿改定今晨必已繕發措詞委婉與尊指
略有不同特奉聞

又七月初一日

鑒電悉鄙人前電台端言鐵路斷不停工近日鄂

境一律安靖亦毫無謠言近有教士礦師多起自山西河南回漢抵漢卽由領事函謝稱一入鄂境深蒙地方文武保護周妥等語至做處於保護鐵路尤爲實力費財費心無以復加鄭道實可謂盡心之至現又添派勇丁一哨赴鐵路將前派各哨遞次移營進紮信陽乃比工司人等無端自相驚恐實屬可恨聞有一人膽力堅定極不願停有一人驚怪特甚屢請停務望切責沙多聲明如彼工匠無端棄置路工將來賠修及延擱喫虧一切須彼自認做處斷不任咎也再各國領事均深信做

處實力保護見地方民情安靖均鎮定如常惟比
總領事人甚陰險諸多挑剔每欲嗾各領事要挾
幸各領事未以爲然此人不終恐於路工無益
特此密布祈探沙多有法可設否希卽電復

寄倫敦羅星使東京李星使

七月初二日

二十八 諭旨現幸各使除克林德外均平安無恙日
前並給各館蔬果食物以示體恤請轉楊呂裕伍

寄鄂督張香帥

七月初二日

已照東電切責沙多並比京公司聲明鄂地安靖各使
均深信獨比領不然路工有一人驚怪如無端棄工所

有責成張制台均不承認又託白藻泰電法京因驚怪者法人也白云請帥自電彼說明鄂地安靖乃可電慰巴黎

又

七月初二日

已照東電函致英領事立傳報館更正誠斥傳相未拜客法美日領事已晉謁並無航海意

安慶王灼帥來電

七月初二日

讀勘電條陳說透利害無一非實在情形達諸內深入猛省施諸外可冀轉圜盡謀敬佩已電請慰帥挈銜會奏矣

江督劉峴帥來電 七月初二日

聞英西摩提督有南下巡長江之說近因英艦入江較多商民頗爲驚疑訛言四起人心因而難靖是以迭電商減若英提督入江民間必更疑慮此事頗有關繫務望尊處向總領探明如確婉切商阻爲盼

又 七月初三日

二十八件昨飭余道錄送尊處並摘錄示各領滬津海線已設難以力爭若能事平購回或卽補救中國無故召此大禍此亦失權利之一端也

又七月初三日兼致李傅相張香帥

壽將軍東電稱敝省愛琿與阿穆爾一江之隔十八日俄用輪船載兵欲發我軍阻止正爭論閒俄廓米薩爾用船帶兵槍礮齊發向我攻擊遂致開仗自此以後連日惡戰現仍彼此相持俄工役官兵人等之在我境者均派兵妥送出境哈爾濱之男婦今日始護送去訖但三省監工人等俱羣於邨城不去並搶我吉軍餉銀十六車屠我鐵嶺雙城人民無算並將阿斂爾華民五千餘人逼令入江者二千餘乘其浮游江面開槍擊斃其得逃生

來歸僅二百人未入江者以大斧登時劈死此二十一日未刻事也哈爾濱一處先燒烈火將我華人繫其手足投入火中者日數十人此處商民數千人其得逃生者不過數百人此十五日以後事也現在人心正憤萬難遏抑即使有排解者出問我國賠乎償乎割地乎仍乞登報等語俄人殘毒至此令人髮指然時局方亟何可再啟衅端登報亦恐無濟已電屬其遵旨保守疆土勿越界尋戰應否登報杏翁酌之

張香帥來電

七月初三日

豔電已於東兩電奉復想已達覽鄂境一律安靖
近日自漢回滬者皆係山陝河南教士礦師路過
鄂境者皆云一入鄂境深蒙地方文武保護周妥
于公雖稍拘迂但自北方事起尙未掣肘招拳會
之件並不宣布裕公於過境洋人皆派馬隊護送
可見並非不認保護近南陽鬧教或因邊遠稍不
留意猝不及防然各洋人早已由豫回漢當不致
傷人至湘省初得津郡訛傳及招集義民之電湘
人素悍譁然思動致有衡澧之案及敝處將京津
確情及保使保商諭旨轉知亦甚認真彈壓長

江上游斷斷不致有事所可恨者滬上造謠者太多西人尤甚惟望見領事稅司及中西官商時告知此處實情屬其勿輕信謠傳爲幸漢口英德美法日各領事均無猜疑英德尤爲相信亦深恨中西造謠之人極力相助息謠傳而安人心尊電謂領事恫喝當是比領薛福德此人有心想作梗恐難寬慰昨電已達務祈設法爲安卽電復

又七月初三日兼致李傅相劉峴帥

慰帥欲以勦匪阻進兵與法美兩國回書楊使電均合如各國能允自是上策但恐內意或患肘腋

之禍變不敢勦或懾諸老之高論不肯勦鄙意若
欲勦匪惟有聯銜奏請降密旨與各督撫統兵
入衛大臣合詞奏請勦匪因而降旨允之仍戒
分別良莠勿得株連怨歸於外臣德歸於朝廷
或不致患生肘腋外匪一勦必敗潰歸農京匪聞
鄉里被兵自然恐懼逃散由外入京之匪旣散則
旗兵奄寺斷不敢以匪自居矣總之各國若肯因
勦匪而停兵則辦法尙不甚難或卽聯銜電致李
星使以此意詢之日本外務各國公使卽可在東
京會議電復甚速俟得復再奏此乃託我駐使探

詢各國之意欲其勿攻京城理極平正似不必有
全權也如諸公以爲可行卽請中堂峴帥擬稿電
示尤要者法國回書初二日必呈 御覽內有歸
咎端邸大臣之語若見此書而震怒則決裂到底
若見此書而悚然則轉圜可望且其時諸老盛氣
高談皆已發舒無遺故必須見初三日以後 諭
旨則朝局瞭然方可設法管見當否請裁酌速示

寄張香帥

七月初三日

昨將來電轉比接鄭冬電洋員昨均到漢工停事簡可
去之機萬望核准等語頃又電鄭傳諭沙多仍照暫停

信陽一段餘仍開辦乞公勉勸蘇堪堅忍放膽勿萌退志以維全局否則全路停前約必變喫虧尤鉅鐵廠軌無去路亦必停止鈞電一切須彼自認數語切要請卽專札鄭道照會沙多立案爲要

又 七月初三日

沙多不遵號令已電比外部比公司預備翻面惟已用工款總不能不還故已成路工仍須切實保護乞面屬鄭道勿鬆懈退守更難於進攻也

張香帥來電 七月初三日

濟南冬電悉二十八日 諭旨共籌補救一語上

承宣示各國領事下接聽浮言多疑慮所謂共籌
補救者似是指與領事共籌而言或可以互保爲
共籌耶若二十八日某公已到京入對則共籌勿
疑慮或是指督撫請詳譯見教總之有策則籌不
在此一語也

又七月初三日

六月二十五日同文滬報載廈門函述第三節京
中惡耗一條實屬悖逆不道意在陷害鄙人從來
未有如此怪謬可駭者實不敢形諸紙筆請查閱
自悉據云譯自字林西報查字林報每多華人捏

造僞託近日各國致我中國 皇上國書及外部
來電詞氣仍然顧念邦交並無不講情理之語可
見此條字林報所言西人斷無此語顯係康黨捏
誣務懇尊處迅商余晉珊觀察會商英日領事於
各該報館捏造誣罔之詞婉切阻止如有華報僞
託亦切屬其據實告知須告知此等語適足激成
奇禍勢必累及南方亦不能常保安靖關係中外
大局實非淺鮮並請飭查字林西報有無此條係
何人捏造示復如該報館再不悛改只有徧告各
省以後各省均不准售賣購閱同文滬報矣務請

隨時設法防阻千萬禱盼示復

江督劉峴帥來電

七月初四日

轉圜必由美入手傳相於意云何日本國書已登
申報不知何處洩漏致俄國書內有密約語若再
登報益爲英忌望商余道轉屬各報館勿再登載
國書至禱

寄太原李筱軒方伯馮申甫廉使

七月初四日由侯馬平遙專送

軍務以來晉線被拆甚多電旨電奏由保定者遲七

八日難免延誤端午帥來電接毓帥函知保護電線極

周密并示禁民砍伐甚感又接平遙局電平遙介休靈

石等縣桿線所剩三根五根仍紛紛毀壞各段弁兵束手無策張蘭河灘所存新桿五百根遙見拳民在彼紛聚恐亦難保到處謠傳燬局屢懇地方官禁遏奈兵力無多莫可如何等語中丞旣允保護擬請嚴飭文武地方責成里保勿稍損壞新桿尤不可壞候示復卽派人運料修復軍報萬緊此線尤不可緩實於大局攸關用敢奉瀆

寄劉峴帥

七月初四日

美國入手傳相總恐德俄狠毒無把握國書登報大約福開森所爲已傳諭余道

寄劉峴帥張香帥袁慰帥

七月初四日

做稿傳相刪改處如下近有李秉衡改近日李秉衡無
以起其信改無以示大信尙有四端刪尙有兩字以示
寬大而泯疑怨下改如慮沿途護送爲難該使等不欲
冒險應先撤去圍館之兵專派保護之兵優加體恤美
廷電謂各使通信方易商辦應一面准其通信業已激
成公憤下改若至變生不測恐使臣亦所不顧脅制在
所不受也此次被害之洋人教士改迭次被害天津一
戰改天津之戰擊斃拳民數萬屍橫遍野各省州縣會
匪蠢動下改商民輟業於餉項尤有關礙應飭無論何

處土匪至以清內亂而弭外衅畿輔荒旱下加赤地千里四字目前各國發兵改添兵以救使勦匪爲詞刪一尙字臣等冒死刪下愚二字仍乞三帥酌定應會列各帥銜名請峴帥香帥速告慰帥聞俄兵已踞榆關德運兵二十四船已放洋事機緊逼何以濟急

李傅相致江鄂東督撫帥電

七月初四日

杏蓀代擬會奏稿均屬切要略刪字句由杏轉達卽請慰帥速照繕發峴帥香帥當無異詞

張香帥來電

七月初四日

頃接上海道電日領小田切面告彼國派兵赴津

京專爲保使勦匪便調停云云所言旣帶有京字
恐彼族目下卽將部兵赴京矣津距京二百餘里
若果進兵危險已極目下必以緩兵勿逼京城爲
急務論理固須我先送使勦匪他事方易商辦然
假使我等奏請送使勦匪俱已邀允而各國兵仍
不停又將奈何反復焦思惟有請中堂單銜急電
各星使向各國外部詢明要我如何辦理彼方肯
停兵勿攻京城倘得各國復電云送使勦匪卽可
停兵則迅速據以會奏聲明利害當可邀允讀二
十七日催中堂進京之旨有云各國使臣亦尙

在京云云明係欲中堂進京與各使商議此時卽無全權亦可先行電致各國探詢情形有益無損況中堂爲國家重臣此次係特召與各督撫不同詢商各國勿攻京城斷斷無妨務祈迅速分電各星使萬勿遲疑卽祈電復

劉峴帥來電

七月初四日

傅相杏翁文電均悉疏稿語語扼要第一端尤爲此奏關鍵必如此方有辦法措詞亦極得體欽佩之至請傅相挈銜速電慰帥繕發香帥當亦謂然能否列數銜固好如慮會商需時卽四銜亦無不

可

袁慰帥來電

七月初五日兼致江鄂兩督帥

戰事初起顯貴謂人心可恃天意默佑故毅然決裂今見日敗頗痛悔然仍有不戰必亡戰亦必速亡及斷不可束手受縛拱手授人等語前經相機委婉進言始有轉機現海城初一入覲高談者氣復少振此時措詞總以婉轉易入於事有濟爲主如過激烈恐反到底拚與決裂前功盡棄杏翁稿痛快切要但字句間或有過激及稍涉語病者可否酌加潤色再行繕發凱非敢願忌實期言之有

益無損庶裨大局乞示

劉峴帥來電

七月初五日

事機急迫此奏萬勿刻緩德靜帥奎樂帥綽將軍
王芍帥許筠帥善將軍聶護撫均有同心似可列
銜如必須先商則不如四銜速奏以免遲延請慰
帥斟酌總以今日發摺爲要

寄劉張兩帥

七月初五日

浙藩密電江山縣失守衢州戒嚴西安縣吳令德瀟向
來與西人聯絡此次更遵任保護不意城內奸民以吳
令通匪爲辭戕之於道署徧體鱗傷拳匪唾餘流毒至

此並焚毀教堂住郡及過路洋人數名均遭殺害現在
惟有催營速進先將土匪擊散再辦內奸然情節重大
恐壞東南大局此係吳令幕友逃回面述未見明文特
先密致乞公勿言弟電作爲傳聞密商峴帥如何措置
愚見欲求南洋速派曉事大員並帶一營赴衢查辦將
起意及下手各匪悉數擒斬以謝洋人并爲吳故令雪
恨南洋有兼轄舊例訂約新章不嫌越俎且浙官不爲
彼族所信得峴帥自認查辦各事便不致決裂也洋人
處暫宜秘密云望速商松帥如廣信一路有兵迅撥一
二營由常山進勦必能得力

寄滬李中堂甯劉帥鄂張帥粵德帥東袁帥

七月初五日

慰帥微電准總署飭局轉還俄美日洋文密電囑令改用明碼自應遵照惟現今各國因我不撤駐使仍通國書除德國外仍准中國與駐使通密電如令彼改用明碼以後我報亦只能用洋文明電各國早料到此已在大沽威海烟台上海強設海綫並預備行軍陸線跟隨洋兵由津逐步直通到京其水陸提督公使領事皆可用密電由其海線直達外洋我徒受其束縛難通密電恐一事不可商辦矣事關大局請慰帥速卽函商總署候復遵辦

寄張香帥 七月初五日

奉江電卽查同文報可駭當面託小田切禁壓字林已
囑竹君往查並告余道會商領事阻止尊擬徧告各省
不准購閱該報雖未必能禁亦有益處

寄劉峴帥張香帥袁慰帥 七月初五日

支電擬奏係傅相授意宣秉筆語病難免閱傅相峴帥
電以事機急迫故欲今日繕發惟香帥尙無復電慰帥
以過激字句須加潤色皆爲大局起見頃見俄電德電
確已動怒關鍵在各使挽回在四帥摺內第一端係各
國注意第三端係宗慰帥勦匪之意近日李秉衡帶兵

句請改近日北上之兵皆係巡撫所使句請改地方官
所使其餘不妥處請慰翁潤色一面繕奏一面電示何
如

寄北京慶邸榮王中堂

七月初五日由濟南袁帥速轉

伍使江電美謂各使通電方易商辦美國前得康格一
電喜甚始首倡保全中國疆土照會各國近日各駐使
轉寄總署各公使及赫德電問其是否無恙數日未得
復電益恐因疑生懼進兵愈速可否請 旨准其通信
使其國人得見各使函電渙然冰釋 諭旨國書保護
並非虛言關係大局非淺至我使除德國只准通明電

外其餘仍通密電此係和戰關鍵昨復剛相電已極言之用特密達

寄蘇杭閩粵皖川各督撫將軍 七月初五日

頃李中堂主稿會奏四條一請護送使臣赴津彼此停兵各派全權商議善後一請各省遵照二十一 上諭照條約保護不得縱容土匪藉端焚殺貽累國家賠卹一請各省遵照二十一 上諭無論何處土匪以及亂軍散勇認真勦辦以清內亂而弭外衅一請專派大員會同直督廣籌賑濟以賑爲撫俾 畿輔脅從良民各歸本籍以上四條仰懇俞允等語峴帥香帥慰帥已列

名峴帥云諸公均有同心似可列銜如以爲然乞速電
慰帥勿遲

張香帥來電

七月初五日

傅相杏翁峴帥支紙五電均悉會奏四條洞願列
名四銜即可不必再商他處惟此奏內有河南焚
殺教堂教士無數係巡撫所使等語豫省教案法
領皆託敝處轉咨轉電屢次照會面談但言豫無
教堂未言殺教或湖南之誤湘確已斃三教士實
非巡撫主使湘民悍地遠防護不及耳現已嚴札
嚴示飭地方官拿辦首要非主使可知至李鑑帥

兼程過山東時並未帶兵必係團民及他軍託名
慰帥當盡知如稍有疑似必應與豫湘一併辨明
免致廷臣藉口大闕要緊此次會奏不便臆改但
此係據各領事所說且有再三力解語小有錯誤
或無礙擬附一片照上文意聲明言李未攻堂豫
未殺教湘非主使此乃轉述領事之言一面之詞
原未可盡信總之各省教堂現仍被匪擄害敵忿
愈深合併聲明等語數行即可如附片來得及請
慰帥酌定卽繕附發儘可不必再商如摺已發則
請於今日內趕發一請修電線摺卽請慰帥定稿

繕發列劉張袁三銜摺內附片照前聲明萬不可
少國家多難時若分門戶危亡之道也如傅相峴
帥以附片爲然請卽刻徑電慰帥均盼速復

寄劉峴帥

七月初五日

會奏連奉三電傅相極佩擔當惟傅相太性急因香帥
尙無復電慰帥又欲潤色徑電慰用南北洋兩銜速奏
原屬無妨但事貴和衷務乞速電香慰二公仍列四銜
以後方可辦事惟公鑒此苦衷

浙藩惲菰耘方伯來電

七月初五日

杭州教堂無事卽係衢案傳訛頃謁景帥已請速

派道員赴衢查明教堂焚燬情形究竟被害洋人
幾名如何情節所有起意及下手兇徒查明按名
坐抵有此舉動較勝坐視然非南洋擔認各領事
不能取信也大局所關全仗我公爲力

寄劉峴帥張香帥袁慰帥

七月初六日

美領事接外部電復傅相以送使勦匪迄無實據各國
將不認國書爲實剋期北犯無可調處與于通木齋電
意相符昨營口失守俄兵由參旅調三萬餘由歐調六
萬一國肆其毒恐羣視東南不言瓜分而裂地定矣強
敵叩門主人沉睡傳相接初二 旨催北上仍無方略

愚齋存彙

卷三十八

馬補抄

末

馬補抄

若由陸則到京在後或端董隨駕蒙塵甚至盡殲洋使而去恐無約可議矣如照前請卽送出使臣傅相不難與各國商酌航海赴津停兵議事關鍵在此乞密籌

致滬李中堂寄江鄂濟南督撫帥

七月初六日

各使改用明碼中國無海線將來議款不便尤甚已託慰帥代復總署細想圍使館戕德使方諉爲非我若禁密碼卽與美書所請任便通信相背況其海線行軍線將成不久卽無求於我矣此事關係北方大局及東南保護可否請四帥公電總署妥酌頃已電駐使暫緩告外部

張香帥來電 七月初六日

慰帥歌電悉是極是極支稿會奏摺萬勿發如傳
相必發洞不敢列銜卽刻有續電陳

又七月初六日兼致法總領事白藻泰

鄂境現在一律安靜亦毫無謠言凡教士礦師自
山陝河南回漢回滬者皆言一入鄂境深蒙地方
文武保護周妥諒閣下亦有所聞至敝處於鐵路
工程尤爲實力保護近又添派營哨逐段進紮直
接信陽敝處深信可保平安乃公司各國洋人等
有鎮定無驚照常工作者有無端自相驚恐者現

雖未停工而洋匠多回漢口頭段洋匠工程及他
段華工照常仍作已電盛京堂切告沙多停工後
將來喫虧之處一切須彼自認督辦鐵路總公司
大臣斷不任咎更與本部堂無涉恐貴國商民訛
傳鄂境鐵路停工致生疑慮特將實在情形奉達
祈轉電貴國仍望見復

袁慰帥來電

七月初六日兼致李傅相劉峴帥張香帥

四端奏昨奉傅相電催繕發傅相主稿峴帥會銜
遵趕繕已就適杏翁來電屬酌改遵又僭酌數處
另繕今早已發酌意列下各使雖圍而名爲保護

且上迭言護在下稱爲圍似有語病海城事未久
洋人何能知詳恐涉疑似宜含混焚殺教堂教士
直晉最甚奉天亦有似宜籠統追奔逐北換侵犯
天津戰拳民退縮陣亡無多嗣爲宋馬憤殺三萬
餘匪惟宜加詳京津各軍均曾與匪合如指爲亂
軍恐眾不自安易爲亂兵繕發稿節電近有數事
甚不相符一駐京各使除康格通一電外他使並
無安好信據寄函是按照國書保護使館恐不實
也二近聞北上各軍沿途攻燬教堂殘殺教士教
民多人東北各省焚殺教堂教士無數皆係官吏

所爲是按照條約保護教士恐不實也又兵薄京城共圖雪忿俄德尤爲狠毒詎肯留我餘步又撤去讐攻之兵又志在擄掠戕官劫獄目無法紀天津之戰擊斃甚夥屍橫遍野黠者可恨愚亦可憫各國悍兵所至必欲殺無遺類自將殃及無辜至各省州縣會匪蠢動歆盟結黨勒索殺掠四民輟業於餉項尤有關礙應請嚴飭無論何處土匪以及亂民散勇等語餘照原稿乞誨政

寄皖撫王中丞

七月初七日

袁電四條已發不及會此後如有要件可否准弟先代

列銜再寄奏稿以扶大局衢州戕官殺教江山常山開
化失守泗安廣德歙縣皆毘連請預籌堵剿北路營口
已爲俄踞奈何

劉峴帥來電

七月初七日

各使改用明碼誠多窒礙第總署酣夢未醒無論
何處何事電商從無復信海城到京固執尤甚朝
局又變會請派傅相全權摺留中不發而以海城
幫辦武衛軍此時若以准各使用密電商總署必
謂恐洩軍情決難遽准且俟傅相會奏四端如何
再酌第恐亦係留中耳事機甫轉又爲海城所敗

定興到後益覺牢不可破一誤再誤京城恐難保
全北望痛甚

袁慰帥來電

七月初七日

愚見此事必須由勦匪入手否則使不能送兵不
能止和不能議傳相亦不能往卽在滬商亦無用
又

七月初七日

京慶邸初二函開頃接來函具悉諸君子公忠體
國籌慮周詳曷勝佩服各國使臣除德使已斃外
餘均無恙現已奉 旨實力保護萬不致再有傷
亡卽望轉達時變日棘諸君子皆受恩深重諒必

能共抒良策以挽時艱至京城內外土匪日眾誠如來函所云亟宜勦除庶足以杜外人之口而靖中國之亂然任大責重既非菲材所能辦而權柄操自朝廷亦非臣下所敢自請過蒙諸君子推許不勝惶恐之至但予歷世受恩值茲時事艱難何敢自安於拙惟有盡我思之所能及與力之所能爲以求挽回於萬一而已云特聞

駐外各使寄山東撫帥電

七月初七日

請轉電樞堂總署屢遵電 旨告外部各使平安無恙彼總以無確實證據益滋疑慮應籲懇迅速

派隊將各使館人員暨眷屬護送至津或先令與
本國通電以示憑信而救時局乞代奏楊儒呂海
寰裕庚李盛鐸羅豐祿伍廷芳同叩

袁慰帥來電

七月初八日

京探竹簣爽秋初三日棄市海城眷甚隆

寄袁慰帥

七月初八日

改本極佩慶邸初二函是復何人公簡電允將弟虎城
電改函送未知到否尊意必由勦匪入手慶函謂非臣
下所敢自請豈卽指 密旨耶然不得請如何能辦遲
則洋兵必代勞諸帥以勦匪屢諫不從幾於擱筆公何

不擬奏分電商辦斷難再遲

劉峴帥來電

七月初八日

海城到京朝局又變然事已危迫遲則無及茲又
電榮相痛陳利害請速送使赴津卽日授傅相全
權未知有濟否營口事有聞祈詳示

袁慰帥來電

七月初八日

係復弟函非公信虎電未提無可再望少言爲妙

寄俄京美京東京楊伍李三使

七月初九日

署因津戰發還寄各使密電改用明碼再寄海城到京
更難挽回

寄劉峴帥

七月初九日

西摩聞須上溯必見香帥應請將尊處與西摩問答之詞擇要電致香帥俾可接洽

張香帥來電

七月初十日

頃聞有人接合肥幕友密電派楊莘伯坐日本兵船進京謁商慶邸面奏
慈聖先送使出都俾與各國議和等語想非子虛合肥行期定否均祈速示

劉峴帥來電

七月初十日

西摩來謁聚觀者數千人謂彼攻我大沽礮台之

英提督來窺形勢頗費彈壓接見兩次設筵款待
賓主歡洽告以變由拳匪朝廷勦撫兩難並止其
再添兵輪及攔住各國艦勿入江伊亦謂然且云
大沽被係打拳匪非與中國開衅坤以天氣溽暑
人民驚疑止其赴鄂伊允定今日開回滬香帥時
電詢以此答之

寄俄京楊使東京李使

七月初十日李傅相劉峴帥會電

鴻坤會奏送使赴津初八奉諭旨前因民教滋事激
成兵端各使臣在京理應保護迭經總理衙門致函慰
問並以京城未靖防範難周與各使商議派兵護送往

天津暫避以免驚恐卽著榮祿預派妥實文武大員帶同得力兵隊俟該使臣定期何日出京沿途護送倘有匪徒窺伺搶掠尋事卽行勦擊不得稍有疎虞各使未出京以前如有通信本國之處但係明電卽由總署速辦毋稍延擱用示朝廷坦懷相與之意欽此卽告外部並轉呂裕羅伍

寄張香帥

七月初十日

竹簣爽秋初三午刻棄市天下傷冤樞電竟不知何故萃伯已中止傅相請病假二十天假內病痊卽行

寄江鄂督帥皖東撫帥

七月初十日

英外部在議院宣示云英國家會同各國趕將各使救出並報主使關禁各使之人之讐向中國索賠但力阻瓜分之意中國事必仍歸中國管深願此次事平後中國國家力爲整頓英國國家斷不會同他國將中國照印度辦法上海無論化費若干總當力爲保護並竭力相助長江督撫彈壓俾得安然無事等語特聞

寄劉峴帥

七月初十日

歌奏幸公與傅相毅然行之俞允送使已列

兩宮

名轉電各星使並恭錄函致各國領事矣

寄張香帥

七月十二日

承樂帥真電明日詢英美再復川中卻無互保明文難免見疑似可請樂帥徑電重慶各領事勸令勿動否則漢上亦恐牽連西摩回滬述見峴帥甚契勸其勿赴上游免使兵民猜疑亦推誠允從今午英總領事面談英政府仍持保護定見但因許袁之變深恐兩帥或有變動則東南和局立散云

寄袁慰帥

七月十二日

據英總領事霍必瀾云初八上諭使臣准用明電而洋人必用洋文明電且須指一事爲證方信是本人真信現各國皆疑使已被害必欲得親筆信方能釋疑若

欲其改用漢文碼號恐使館無中國電本是與准用明電之旨不符等語交來洋文明電一件屬寄總署交英使寶納樂請速轉總署

寄甯蘇鄂皖閩粵浙贛濟南成都各將軍督撫卽 七月十二日

木齋真電津聯合軍約四萬聞進兵之遲一因雨多河決艱運餉械一因彼此猜疑日前大沽日俄偵探隊有互擊事昨聞議定西本月二號英日美俄兵北犯餘守津本日聞改六號又聞德法須同進當指在津兵言至續派德兵聞二十後可到外部中人曾告如各國兵先

入京則德兵逕犯山東云

袁慰帥來電

七月十三日

英電已轉京各使均有密電致其國

總署致李中堂劉制軍電

七月十三日

各使館往來電報已有旨准其代寄代交本日

卽有八國發電知注特聞並希電告盛京堂及上

海道

寄陝撫端午帥

七月十三日

奉東陽電送使赴津旨已准議款彼此火候未到傳

相請病假二十日洋兵北犯恐難阻止太原修線款尙

難籌局員皆聞風畏懼奈何

俄京楊星使來電

七月十四日

竊秋事可駭聯合軍聞有一二國未齊故未驟進

寄甯蘇皖鄂閩浙贛粵川陝東各將軍督撫帥

七月十四日

本齋願電外軍大隊北犯聞因英美輜重不齊改十五

六號聞前隊在北倉戰彼此多傷尙無確報陸軍省自

津歸者言西兵工程輜重兩隊最劣故進兵遲俄印兵

無紀律所過屠殺無遺將來京津一帶不堪設想云

寄東京李星使

七月十四日

願電已轉趁德兵未到送使到津派全權議善後公盍

與伊藤密商所全甚大許袁初三棄市樞竟不知

寄江督劉鄂督張東撫袁

七月十四日

准各使通密電似有轉機子通覃電聯合軍聞有一二
國因未齊故未驟進云此好機會蹉跎可惜

福州善將軍來電

七月十四日

聞敵兵日迫仰窺 朝旨似非堅定主戰或諱言
和或恐要挾太甚抑尙有未達於 聖聰者釋疑
動聽盡畫如何

劉峴帥來電

七月十四日

據陶道密稟有日本人向伊力言英將西摩欲立

功長江以洩楊村敗績之恥須由中堂香帥及敝處逕電英政府以阻其謀等語此說固未敢遽以爲信然近日英人舉動可疑者確有數端重慶洋官稅司洋人紛紛東下內地商教亦多赴滬可疑一英擬紮兵上海聞已電調數千人未免太多可疑二日前英雷艇入江向其詰問多方掩飾繼又謂赴鄂送信何以不用電報可疑三英艦分泊各口日見其多淞申所泊洋艦二十餘艘英爲多統計已不下二三十艦可疑四應否會電羅使向外
部相機進言陳說利害我保疆土彼保商務毋爲

武員所愚祈卓裁電復

張香帥來電

七月十四日兼致李傅相劉峴帥

慰帥電云京師時論云不戰必亡戰尙可不速亡
敝處見京來人語亦同此大誤也不戰何至必亡
怪甚利害看反大病根在此病根不去無藥可醫
津陷次日尙報呂夏大捷可歎試問李宋馬董呂
夏張萬即使人人皆是韓白良將至多不能逾十
人好兵至多不能過兩萬縱每戰必勝一戰必敗
兵數百耗彈數十萬連戰一月兵械俱盡各國兵
械永無窮期孤注有輸有贏此則有輸無贏併非

孤注矣此時緊要關鍵須將不戰可以不亡之確
據說透自然轉存有話方敢透說允准者方肯實
辦鄙意俄吳王致傅相電專視送俄人之舉以定
用和平勢力兩策云云伍使轉美外部電送使勦
匪迄無實據各國將不認國書爲實剋期北犯無
可調處云云呂使電德外部言不懲償不查明切
實辦法不能遞國書云云李使電外部現勢圖北
犯外軍報怨蹂躪各地連戰累年云云此數電最
緊醒擬請傅相畢銜速發一電奏備述各電力言
戰雖勝仍不能救亡不戰則雖弱而不亡將此兩

愚者不棄 卷三十一
三
層痛切發揮冀悟 聖聽至結尾點題如何說法
有何辦法應請傳相籌酌他人斷不能如此透說
惟傳相係 特旨召與他人不同尚可進言務懇
迅籌早奏幸甚祈示復峴帥有何卓見並示

寄劉峴帥

十月十四日

日來滬關英有陸兵到岸商民萬分驚慌紛紛遷徙兵
若真到必致市廛一空頃余道面商各領霍謂公已許
西摩白謂英派法亦要派古謂事尚未定可否乞公婉
電西摩略云尊意派兵爲保華洋商自係美意但聞滬
華商民十分疑懼現不過耳聞已紛紛搬動如目覩許

多洋兵駐紮必致遷徙一空中外商務必大喫虧且恐遠近聞風藉端生事似與面商用意轉有損而無益貴提督旣任保護租界之責想亦不願覩此情形若爲保護商民財產淞滬兵船已有二十號之多似已足敷彈壓本大臣擬派上海余道與貴提督面商一切俾期妥洽卽請示復云云是否可行乞鈞裁

劉峴帥來電

七月十五日

願電佩甚西摩意甚堅又有租界歸各國保護之條恐難阻止頃已照尊指電西摩並電晉珊矣能止其派兵省卻許多校節最妙如辦不到宜如何

補救仍祈大力相助面告晉珊妥辦爲禱

又 七月十五日

咸電想達覽前晤西摩面商派兵駐滬當答以酌
量少派不可過多免滋疑懼彼亦謂然現聞實調
二千八十八抵滬商民畏懼多有遷徙各國皆仿
照辦理則上海一隅洋兵無數成何事體旣訂保
護章程彼此均應相諒望設法商阻如辦不到亦
須酌商限制至多不過數百人否則長江難免有
事疆土商務均極可慮盼電復

寄劉峴帥 七月十五日

鹽電俟與傅相面商另復頃美領事來云英兵來滬西
摩據洋商所請已電英部各領事不爲然亦電本國均
未接復頃密勸法美再電堅阻滬華紳商擬卽公稟余
道及領袖領事十七各領會議俾有憑藉昨請電致西
摩可作爲紳商所請聞西摩電英謂公已面允若不電
西摩而電羅告外部恐啓猜嫌先致西電再告外部較
有次序乞鈞裁

劉峴帥來電

七月十五日

英派兵事得各國牽制方可阻止相機斡旋端賴
大力感禱仍照尊指電西摩午間又電羅使諷外

部與尊意尙合

寄江督劉帥鄂督張帥

七月十五日

峴帥鹽電屬會電羅使頃商傅相法美領事旣請本國
商阻我似宜分電各國以期牽制略曰滬租界雖各國
公同保護自滬至長江我力任保護斷無匪類濶入現
泊洋艦二十號英居多又聞印兵二千將到滬商民驚
徙恐致市廛一空各埠難保不誤會生事商務大礙請
速商外部勸止鴻坤洞宣乞峴帥裁發

東京李使致總署電

七月十五日由滬轉東代遞

鈞電敬悉遵達外部前奉電

旨送使卽商外部

電囑西德遵照出京業已電呈鈞署轉交頃與外部切商據稱若無切實擔保恐各使憚途中有險不肯遽行當詢以如何擔保外部答此難遙制須請鈞署就近從速與各使商酌如何辦理方可無險各使當有主意等語乞鈞奪

袁慰帥來電

七月十五日

願電悉某事或謂代各使送信或謂侵犯某邸或謂請歸政傳說不一未知孰是大約由於口舌文字受禍總之此次滋事由於匪不先勦匪必無辦法

愚齋存稿卷第三十八